

KHAWVEL SUNDAY SCHOOL NI
November 4, 2018

PUTLING SUNDAY SCHOOL

Thupui

**BILLY GRAHAM-A
CHANCHIN**



Ziaktu
Upa Dr. H. Vanlalhluna

Synod Literature & Publication Board

KHAWVEL SUNDAY SCHOOL NI
November 4, 2018

PUTLING SUNDAY SCHOOL

THUPUI

BILLY GRAHAM-A
CHANCHIN

Ziaktu
Upa Dr. H. Vanlalhluna

*Published by
Synod Literature & Publication Board
for
Mizo Sunday School Union*

*2018
Copies - 6,500
(All rights reserved)*

*Printed at
Synod Press
Aizawl – 796 001
Mizoram*


THUHMAHRUAI

Kum 1910-a Khawvêl Sunday School Ni hmasa ber an hman aţang khân kum 2018 Khawvêl Sunday School Ni hi a kum 108-na a ni ta reng mai. He Khawvêl Sunday School Niah hian kohhranho tâna Sunday School ʔangkaina leh pawimawhna kan hriat thar leh a pawimawh hle.

Mizoram Presbyterian Kohhran chuan kum 1944 aţangin Khawvêl Sunday School Ni hi hmang ve ʔanin, kum 1949 aţang phei chuan Khawvêl Sunday School Ni-ah hian thupui thlan bîk kan zir ta deuh zêl a. Kuminah pawh MSSU chuan Puitling Sunday School lam zir atân ‘Billy Graham-a chanchin’ tih a thlang a. A ziaktu, Upa Dr. H. Vanlalhlunan ngaihnamw taka ziakin a hun takah a rawn theh lût thei a, a lâwmawm hle a ni.

Khawvêlah hian rawngbâwltu ropui tak tak an lo chhuak tawh ʔhîn a, mar pâta kum sawmruk chhûng rawngbâwl thei, Billy Graham-a te ang hi chu an tam lo hle. Rawngbâwltu ropui, Chanchin ʔha hril âtchilh tlat, “Ka thâwk ʔêk ʔêk chhûng chu Chanchin ʔha hi kei chuan ka hril zêl dâwn a ni,” titu Billy Graham-a chanchin kan zir thei tûr hi a lâwmawm a. Krista pasalʔha kal tate nun aţang hian wawiina ringtute hian zirlai i zir chhuak ang u.

Khawvêl Sunday School Ni hmangtu leh thupui zirtu zawng zawngte Lalpan malsâwm rawh se.



(REV. P.C. PACHHÛNGA)
Executive Secretary i/c MSSU

**KHAWVÊL SUNDAY SCHOOL NI
NOVEMBER 4, 2018**

PUITLING SUNDAY SCHOOL PROGRAMME

CHAWHMA INKHÂWM

- Hruaitu : Superintendent
 ẘantu chhiar tûr : Rom 1:16-17
 Hla sak ho : KHB no. 133-na
Lal Isua, kan ẘhian ẘha berin
 Thilpêk lâk khâwm leh hlan
 Thupui sawi : **Billy Graham-a chanchin**
ẘhen khatna
 Thupui sawitu : Zirtîrtute aẘangin ruat ni se
 Hla sak ho : KHB no. 399-na
Lalpa, i rawngbâwla min koh hi

CHAWHNU INKHÂWM

- Hruaitu : Asst. Superintendent
 ẘantu chhiar tûr : Hebrai 13:7
 Hla sak ho : KHB no. 353-na
Lei leh vânah hriat a ni a
 Thupui sawi : **Billy Graham-a chanchin**
ẘhen hnihna
 Thupui sawitu : Zirtîrtute aẘangin ruat ni se
 Hla sak ho : KHB no. 338-na
Lalpa ram lâk tumin khawvêlah hian

*(Khawvêl Sunday School Ni thawhlâwm hi Bial Treasurer
kaltlangin Synod Office-ah chhûn luh tûr a ni.)*

BILLY GRAHAM-A CHANCHIN

Kumin (2018) Khawvêl Sunday School Niah hian Billy Graham-a chanchin kan zir dâwn a. Ani hi kum zabi 20-naa khawvêlin thuhritu (evangelist) ropui bera a ngaih leh a hriat lâr ber a ni hial âwm e. A rawngbâwl hun chhûng a rei a, kum sawmruk chhûng Pathian thu hrilin khawvêl ram hrang hrangah a vâk vêl a. Chanchin ngaihnaawm tak tak a ngah êm êm a, sawi kim sên rual a ni lo. Kohhran tâna hlâwkpui theih âwm tlêm azâwng la chhuakin kan zir dâwn a ni.

ṬHEN KHATNA

Pian leh mûrna : Billy Graham-a hi a hming pum chu *William Franklin Graham Jr.* a ni a. November ni 7, 1918-ah Charlotte, North Carolina, USA-ah a lo piang a. A pa chu *William Franklin Graham Sr.* a ni a, a nu chu *Morrow Coffee Graham* a ni. Unau pali zînga upa ber a ni.

Billy Graham-a hi a naupan lai aṭangin naupang fel tak leh taima tak, mi nunnêm, hmangaihna ngah, mi hriat thiamna ṭha tak nei a ni a. Nu leh pa thu chu zâwt buai harsa lova awih mai mi a ni a. Dâwt sawi te, mi bum te, thil rûk te leh thil tihchhiat te chu a tih ve ngai hauh loh thu amah ngeiin a sawi.

A pain an chhûngkaw eizawna, ran vulh chu rawn chhunzawm se a duh avângin ran chaw pêk leh bâwnghnute sâwr te a zirtîr a, a zelthel ngai lo. Hêng hnate hi tui tak leh thu awih takin a thawk mai ṭhîn a. Zîngah khawvâr hma tein a tho va, ran chaw te pein, an hnutê te a sâwr ṭhîn. A naupan lai pawhin bâwnghnute sâwr chu puitling tlukin a thiam a ni.

Thatchhiat hi sual nasa berte zînga mi a ni tih leh, hnathawhah hian dikna leh zahawmna a awm a ni tih chu an chhûngkaw inzirtîrna a ni.

Billy Graham-a nu leh pate hi Presbyterian mi, rinnaa mi nghet tak an ni a. An inneih ni chuan an inah maichâm an buatsaih a. Ni tin Bible chhiar ziah tûrin an inhlân a. An chhûngkua hian tlai tin chhûng inkhâwm an nei ziah a. Pathianni an serh tha hle bawk. A nu, Morrow-i hian Bible châng vawn a ngai pawimawh hle a, a fate a bual lai pawhin a zirtîr mawlh mawlh thîn a. A fate school kala an chhuah hmain Bible châng pakhat tal vawng tûrin a zirtîr thîn.

Pathianni apiangin Charlotte khuua Associate Reformed Presbyterian Church-ah an inkhâwm thîn a. An lawina kohhran hi, ‘Bible thute chu Pathian thâwk khum a ni a, rinna leh thiltih tehna dik lo thei lo a ni’ tih vawng tlattu a ni a. Hetianga Kristian chhûngkaw inenkawlna tha tak leh Siamthat Kohhran kalhmang fel tak zui hi a sei lenna a ni.

Billy Graham-a hlawhtlinna leh thuhritu ropui tak a nih theihna hi, a nu leh paten Pathian thua an kaihhruaina leh rinna kawnga tih tak zeta an kaihhruaina avâng a ni lo thei lo. A nu leh pa ang hi khawvêlin a mamawh hle a ni.

Zirna lam: Zirna lamah chuan Billy Graham-a hi mi thiam chungchuang a ni lêm lo. Pâwl hniam lam chu Sharon Grammar School aţangin a zir zo va. Kum 10 mi vêl a nih chuan lehkhahu chhiar a peih hle thung a ni. An kohhran thu inchhâng (catechism) 107-te chu a vaiin en lovin a sawi thei hial a. A nuin Pathian thu châng a zirtîr thîn te, inkhâwmnaa Pathian thu an zir thînte chu hriat reng a tum tlat thîn.

Kum 1936 thâl laiin High School chu Sharon High School aţangin a zo va. Amaherawhchu, chhûngkaw lam harsatna

avângin zir zawm leh zêlna tûr pawh amahin a tuak a ngai hial a. Thâl lain a thiante pali nên mi ina kal lâwrin *Fuller Company* thil siam *brush* an zuar kual a, kêr khatah *dollar* 50–70 an hlawh ve thîn.

Kum 1936-ah Bob Jones College-a a luh zawk hnuin Florida Bible Institute, Tampa lamah a insawn leh ta zâwk a. Hei hi Bible sikul tê tak tê, mipa 30 leh hmeichhia 40 emaw chauh luh theihna a ni. Florida Bible Institute-ah chuan zirlaite chu Thlarau Thianghlimin anmahniah hna a thawh theih nân inhawng tûrin an fuih nasa hle a ni. Kum 1940-ah Florida Bible Institute aţang hian a graduate ta a.

A pianthar dân: Billy Graham-a chuan kum 15 vêl a nih lai chuan mi dangte ang bawkin nula rim te, baseball khelh te, motor khalh te a hrât ve hle. Kum 16 a tlin chuan *feet* 6.2 (fit ruk leh inchis hnih) a tling tawh a; mite mit a lain, nulate pawhin an lâwm thîn hle.

Hetianga a tleirâwl hun a hman lai hian Christian Men’s Club-ten Charlotte khuaah *crusade* buatsaih tûrin Dr. Mordecai Ham, Oklahoma Southern Baptist Convention Pastor chu an sâwm a. Ani hi pa thâwm na ve tak, *fundamentalist* ruh tak, thusawi thiam tak a ni.

Dr. Mordecai Ham-a chuan a *crusade*-ah zan tin deuthaw simna leh piantharna lam thu a sawi thîn a. Pathian hremna hlauhawmzia te a sawi bawk. Crusade ţan tirh lamah chuan Billy-a chuan inkhâwm pawh a châk lêm lo. A thianten an sâwm avângin a inkhâwm ve lek chauh va. Hetiang lam thu vawi eng emaw zât a ngaihlâk hnu chuan sual nih inhriatna a nei ta a. Mahse, engtia tih tûr nge chu a hre lo. Dr. Ham-a’n mi tu pawhin Isua chu mi mal takin an hre Chiang thei tih thu chu a sawi chian zawh poh leh, Billy-a chuan Isua a hriat chian lohzia a inhre Chiang tulh tulh thung a.

Kum 16 a tlin hma ni chiah, November ni 6, 1934 zânah chuan thuhrltuin thu a sawi zawha inhlân tûra sâwmna a siam lai chuan a rawn ding chhuak ve ta a, mi 300 vêl lai inhlânthe dinna maichâm lamah chuan a kal chhuak ve ta a ni. Amah pawh a zâm ve hle a, a thutna lama kîr leh mai a rilrûk laiin, an chhûngkaw thian tha, J.D Prevat-a, thlarau chhandamnaa thahnemngai tak mai chuan tap zawih zawih chungin Pathianin atâna chhandamna a buatsaih chu mâwlmang leh hriat fiah awl takin a rawn hrilh a. Billy-a chuan, “Pathian fa ka nih theihna tûra ka hriat tûl chu ka hriat thiam theih zâwng takin min rawn hrilh fiah a, heta tang hian Krista hnênah ka inpe ve ta a ni,” a ti.

A inhlân laia a awm dân hetiang hian aman a sawi: “Ri mak dang ka hre lo va, êng ka hmu bawh hek lo. Ka mittui a tla lo va, keima lamah phûr thar thutna thil danglam tak a awm lo. Nimahsela, khatih lai khân Krista tân thutlûkna ka siam fel ta a, mâwlmang tê ni mah se, thutâwp a ni,” tiin.

A thusawina hmasa: Florida Bible Institute-a a luh laiin Billy Graham-a chuan rei lo te chhûngin mi hriat a hlawh thuai a. Amah a pa lianin a hmêl a tha a, infiamna lam a thiam bawh a, an ngaisâng thîn hle.

An college-ah hian zirlaite chu eng hunah pawh Pathian thu sawi mai thei tûra inring reng tûrin an fuih a. Billy Graham-a pawhin sermon pali, pakhat minute 45 vêla sawi tâwk tûr a buatsaih lâwk ve rân nghe nghe a.

Zan khat chu Rev. John Minder, Tampa Gospel Tabernacle Youth Director leh Sikul Puithiam (Dean) ni bawh chuan Baptist Kohhran tê tak tê, mi 30 emaw chauh awmna Bostwick, North East Florida-ah thu sawi tûrin a hruai a. Zân inkhâwmah chuan thu a han sawi ta a. A sermon neih sa pali chu a vaiin

minute riat chhûngin a sawi zo ta dêr mai a, sawi tûr hre tawh hek lo, a ðu ta tawp mai a. Rev. John Minder-a chuan ða takin a hun awl chu a rawn hnawh khahsak ta a ni.

Billy Graham-a chuan hrehawm a ti êm êm mai a, “Vawi khat thu sawinaa hetiang khawpa hlawhchham nasa hi tu mah an awm lo vang,” a ti hial a ni. Mahse, Rev. Minder-a chuan Billy Graham-a hian chakna leh thiltihtheihna eng emaw tak a nei a ni tih a thusawi aţang khân a hmu tlat mai a. Youth Director atân a sâwm ta a. A graduate hma kum thum chhûng chu hetah hian a thawk ta nghe nghe a ni.

Evangelist rilru a pu ðan: Florida-a kum khat vêl a awm hnu, kum 1938, March thla vêl aţang chuan a ngaihtuahna a inthlâk ðan a. Pathianin Pastor tûr emaw, Pathian thu zirtîrtu ni tûrin emaw ko lovin, hêng aia hmatâwnga rawngbâwl tûrin a ko niin a hria a. Pathian chuan Evangelist atân a duh a ni tih chu Chiang hlein a inhria a.

Tichuan, zan khat chu Bible Institute luhna gate bul lawka phûlah chuan a bawkkhup a, Pathian hnênah, “Lalpa, i ta ka ni e. Ni tûra min duh apiang chu ka ni ang a, kal tûra min duhna apiangah ka kal ang,” tiin a ðawngţai a. “Lalpa, min duh a nih phawt chuan i Chanchin ða puang darh tûrin ka inpe e,” tiin a inhlân zui ta a ni.

Thinlung zawng zawngin Billy Graham-a chu Krista hnênah a intulût tak tak ta a. Heta ðang hi chuan Chanchin ða hril theihna remchâng ngaihtuahin a rilru a khat ta.

Evangelist ni tûrin a inbuatsaih: Billy Graham-a chu Evangelist ni tûrin a inbuatsaih nasa hle mai a. Ramhnuaiyah thu te sawiin, thingte chu sim tûrin a sâwm vêl a. Mipui tam tak hmaa thu sawi anga inngaihtuahin, ring tak takin lawng chungachte Pathian thu a sawi ðîn a. Kawtchhuah remchâng

laiah a ðhian pahnih pathum emawten an ðawiawm a, thu a sawi chiam baw k ðhîn.

Los Angeles khuua hmun pakhat, Venice-a thu a sawinaah, a wawi khatna atân sâwmna a siam ve chawt mai a. He sâwmna a siamah hian a hlawhchham chuan an *farm*-a hnathawka kîr leh mai a rilrûk a. Mahse, a sâwmna chu chhângin mi 32 an lo chhuak hlauh mai a, a lâwm hle a ni. Hetih hun laia a rilrua lian ber chu chhandamna thu a ni a, “Vei ka nei a, ka vei ber chu thlarau chhandamna a ni. Thuhrlitu ropui nih ka tum lo, thlarau chhandamna mawlh hi a ni ka vei ber mai chu!” a ti ðhîn.

Baptist Kohhranah a inpe: Billy Graham-a chuan nasa lehzuala rawngbâwl zêl a duh ber a. Amaherawhchu, rawngbâwla bul a ðanna, Southern Baptist Kohhranah chuan Presbyterian mi tân thu sawi fo a rem loh avângin thuhrlil rawngbâwl hna a thawk hlei thei ta lo va. Amah kohhran pâwl bîka ruh bur a nih lem loh baw avângin Southern Baptist Kohhranah a inpe ta a. Hemi hnu lawk hian Dr. Minder-a’n Asst. Pastor atân a ruat a. Southern Baptist Minister atân nemngheh a ni zui ta baw k a ni.

Pathianin kawppui a pe: Florida Bible Institute aţanga a *graduate* hnuin amah duhsaktuten Wheaton College-ah zir leh sela an tih angin a inpu lût ve leh ta a. Wheaton College-ah hian a zirpui, nula hmêlţha leh duhawm tak, Ruth Bell-i nêan an inchhar ta a. Ruth-i hi China rama missionary, Dr. Nelson Bell-a fanu a ni.

Fîmkhur leh thianghlim takin an inngaizâwng a. “Ka mi hriat tawhah Billy-a ang rêng rênga Pathian lâwm zâwng tih duh hi ka la hre lo,” Ruth-i hian a ti hial a ni. Billy-a pawhin a nu hnênah lehkha thawnin, “Ka nupui duh zâwng tak ka hmu ta,” tiin a hrilh ve baw k.

Billy Graham-an kum 1941 thâl laia inneih a rawt a. Mahse, chhâna a hmu mai lo va, a khua a har hman hle. Zan khat chu Tampa Tabernacle-a Pathian thu a sawi dâwnin Ruth-i chhâna, inneih a remtih thu leh a remtih chhan sei deuh taka a ziak chu a dawng ta hlauh mai a. A lâwm êm êm mai a, a chhiar nawn sek mai a. Biak In a thlen hnu pawhin a la chhiar cheu a ni âwm e. Tampa Tabernacle-a a thusawi pawh a mumal vak loh phah hial a ni. Ruth-i lehkhâ khân a rilru a luah hneh hle a ni ang. Inkhâwm bânah Pastor chuan a rawn pan a, “I thusawi kha i hre chiang meuh maw?” a rawn ti a. Billy Graham-a chuan, “Hre mumal lutuk lo,” tiin a lo chhâng a. Chutah Pastor chuan, “Mipuite pawhin an hre mumal ang tih pawh ka sawi thei bîk lo,” tiin a chhâng a ni.

An inhualna a kal tuang vak lo va, Billy Graham-a erawh chuan Pathian kutah a dah tawp mai a. Mahse, Pathianin hun tha a pe a, an graduate ve ve hnu, August 13, 1943 khân Montreat, North Carolina-ah Rev. John Minder-a kutah an innei ta a ni. Fa panga, hmeichhia pathum – Gigi Graham, Anne Graham, Ruth Graham-te leh mipa pahnih – Franklin Graham leh Ned Graham-te an nei a. Kum 64 zet nupa inrem tak nia an inneih hnuin kum 2007 khân a nupui Ruth Bell Graham-i chuan a thihsan ta a ni.

Pastor hna a thawk: An inneih hnu rei lo teah thingtlânga Baptist kohhran tê tak tê, mi 100 emaw chauh awmna, Western Springs, Illinois-ah Pastor hna thawk tûrin an dah ta a. Hei hi bial vawnga pastor hna a thawh awm chhun a ni. Thla 18 chhông (1943-1945) chiah pastor hna a thawk a. Hemi hun rei lo te chhông hian, pastor-ten hna an thawh tlângpui hi chu a thawk hman vek a ni.

Pastor hna a thawh lai pawh hian a rilru pawttu ber chu zau zâwka evangelist rawngbâwl hna thawh a ni reng a.

Chuvângin, a theih ang ang leh a remchân dân ang zêlin a feh chhuak thîn bawk.

Radio kaltlanga rawngbâwlna: Rawngbâwlna kawng a inhawn belh zêl a. Kum 1943 khân Local Chicago Radio Station-ah thusawi leh zai rawngbâwlna hun *'Songs in the Night' programme*-ah Pathianni zân dâr 10:30 apiangin minute 45 chhûng hun hmang tûrin an sâwm hlauh mai a. He sâwmna hi Billy Graham-a chuan a lo pawm mai bâkah, Canadian zaithiam lâr tak mai George Beverly Shea chu a sâwm chawt mai a. Ani nêh hian an inkawp fuh hle a, a hnu kum tam tak thlengin rawng an bâwl dún zui ta zêl nghe nghe a ni.

Chicago khawpui pâwn lamah thusawi tûra sâwmna a dawn phah nasa hle a. A tih tak takna te, mâwl leh fiah tak leh hriat thiam awlsam taka a thusawi thîn te, ring tak leh rang taka thu a sawi thîn te chuan mite beng a verh a, mite rilru a tiharh a, mite thilung a khawih bîk hle a ni.

Hun puma thuhritlu ni tûrin a inpe ta: Thusawi tûra sâwmna a hmuh tam tial tial avângin a kohhran enkawl lai kalsan fo mai a ngai thîn si a. A hlauh hmuh lohna lam chu a hun tam tak hmanna a ni ta bawk si nêh, a tân inthlahrunawm tak a ni lo thei lo va. Kum 1944 khân US Army-in sipai Chaplain atân 2nd Lieutenant nihna an pêk chu a lo pawm tawh avângin Harvard Divinity School-ah training-a kal a ngai dâwn a. Hetih lai vêk hian a thianten khawvêla Chanchin Thā hritlu pawl, *Youth for Christ International* an dîn a. Hetah hian hun puma thawk tûrin an sâwm ve bawk a, kawng zawh lam tûr ngaihuahin a rilru a inkhâp ve nasa hle.

Nasa taka tawngtaia Pathian an râwn hnuah thutlûkna a siam fel ta a. Ram leh hnam tâna sipai *chaplain*-a kal chu thulhin thuneitute hnênah inhnuhdawh a dîl a, an lo pawmsak a. Tichuan, a kohhran enkawl lai Western Springs pawh

bânsanin, hun puma Evangelist hna thawk tûrin Youth for Christ International sâwmna chu January 1945 khân a pawm fel ta a. Heta ñang hi chuan, a hun pum pui mai chu Chanchin T̄ha hril nân a hmang ta a ni.

Youth for Christ kal tlanga rawngbâwlina: Youth for Christ International rawngbâwlina chu July 1945 aţangin awmze nei takin an kalpui ñan ta a. Billy Graham-a chu hun puma Pathian thuhrltu (*Full time Evangelist*) a lo ni ta. Hei hi America-ah leh khawvêl hriata rawng a bâwl ñanna chu a ni. Hun leh hmun remchâng apiangah *rally/crusade* te buatsaihin Billy Graham-a chu *speaker* awm chhun a ni a.

Kum 1945 leh 1946 chhûngin ram chhûng hmun hrang hrangah zin kualin, Inrinni zân apiangin khawpui hrang hrangah *rally* te buatsaihin thu a sawi ñhîn. A tûnlai thei ang ber leh mipui hîp thei zâwngin, rimawî nung tak nê, thuamhnaw pawh mite hai rual loh tûr te inbelin *rally* hi a buatsaih ñhîn a ni. Hetah hian Billy Graham-a chuan ring tak leh nung takin, ñang atin thu a sawi ñhîn. A thusawi thiamna te, a tih tak takna te, mâwl leh fiah taka a thu sawi ñhîn te chuan mi a hîp nasa hle a. Chanchinbu mi ñhenkhat chuan ‘Pathian silai puak rang (*God’s Machine Gun*)’ an tih phah hial a ni.

Kum hnih zet Youth for Christ rawngbâwlina a inhman hnuin kum 1947 khân ama puala *crusade* hmasa ber a nei a. Heta ñang hian hmun hrang hrangah ama mi mal programme-in a chhuak ñan ta a ni. A rawngbâwlina alh chhuah ñanna tak tak nia an sawi ñhîn erawh chu kum 1949-a Los Angeles khawpuia *crusade* an buatsaih kha a ni a. Kâr thum chhûng *crusade* hmang tûra inruahman lâwk an nih laiin, Pathian hnathawh ropui tak avângin kâr riat chhûng ngawt *crusade* hi an buatsaih ta hial mai a. He Los Angeles *crusade*-ah hian nu leh pa bâkah naupangte pawh a sîng rual tak meuh an pung khâwm a, Pathian thuchah an ngaithla ñhîn a ni.

Rawngbâwna ngai pawimawhtu: Billy Graham-a te fa hmasa ber Gigi-i pian dâwn hian Canada rama rawngbâwl tûra an kal dâwn lai tak a ni a. A nupuiin an fa hmasa ber tûr pian lai chuan awm ve thei hrâm se a duh hle a. Mahse, thil dang zawng aiin a rawngbâwna a ngaih pawimawh ber avângin a kal ta tho va. Canada an thlen zân, ni 21 September, 1945-ah a fa u ber chu a piang ta a ni.

A rawngbâwl ÷an tîrh kum 10 chhûng vêl hi an chhangchhiat vânglai tak a ni a. Billy Graham-a nupui hian an fate panga hi amahin theihtâwp chhuahin a lo enkawl a, a buai ve hle ÷hîn a ni. A chângin Billy-a thusawi a ÷awiawm baw ÷hîn.

Billy Graham-a hi mi inngaitlâwm, mâwl têa khawsa, rinawm leh tih tak takna nêna rawngbâwl a nih avângin mi hausa leh mi retheiten an ngaina a. Amah hi Pathian thu thiam (*Theologian*)-ah a inchhâl ngai lo baw. Zir leh hriat belh duhna a nei reng zâwk a. A insit hle ÷hîn a ni.

Billy Graham-a hian rawngbâwna nung nei tûr chuan Thlarau Thianghlim a pawimawh tih a hria a. Hriak thih *evangelist* nih chu Pathian hnênah a dîl reng a, a ÷awngtâina pawh Pathianin a chhâng a. A rawngbâwl chhûng zawnga thusawi theihna petu leh mite hîp khâwm ÷hîntu chu Thlarau Thianghlim a ni tih a hre chiang hle a ni.

Ringtute hian Billy Graham-a ang hian Thlarau Thianghlim kan mamawhzia hre chiang ila chuan, Thlarauva khat tûrin theihtâwp kan chhuah a rinawm.

Billy Graham Evangelistic Association (BGEA): Billy Graham-a chuan America rama khawpui hrang hrangah *crusade/campaign* hlawhtling takin a buatsaih ÷hîn a. Hêng *campaign* leh *crusade*-ahte hian thawhlâwm a lo lût tam ÷hîn

hle a. *Crusade*-a sênsô aia tam daih a luh châng te pawh a awm thîn.

Hêng thawhlâwm an hmuhte hi Billy Graham-a'n a mi mal *bank account*-a dah a duh si lo va. Hêng enkawlna kawnga mawhphûr ber tûrin a thiante pahnih, Grady Wilson-a leh Cliff Barrows-ate hmalâknain, kum 1950 khân Billy Graham Evangelistic Association (BGEA) an dîn ta a. Hei hi hlâwkna ûm lo pâwl (*non-profit association*) a ni.

Billy Graham-a rawngbâwlna kal vêl pawh BGEA hian a buaipui ta a. Billy Graham-a a chak loh tâk hnuin a fapa pahnih, Franklin Graham-a leh Ned Graham-aten an enkawl chhonzawm a. Kum 2000 aţang khân Franklin Graham-a chu BGEA hotu ber a ni ta zêl a, he pâwl hian khawvêl pumah thawktu mi 500 vêl an ruai mêk a ni.

Harsatna kêrah pawh: England-ah kum 1954 khân White City leh Wembley Stadium-ah crusade buatsaih tûrin a kal a. A tîr lamah chuan duh lohna leh dodâlnate a tâwk a. England a thlen hma, Southampton lawng chawlhna an thlen chuan chanchinbu mi 25 leh thlalatu 11-ten an lo hmuak a. Hêng chanchinbu mite hian zawhna ngeiawm tak tak an lo zâwt a. “America aiin England-ah sualna *record* a tlêm daih zâwk a, eng vâng a lo kal nge i nih?” tih te, “England hi i chhandam theih i ring em ni?” tih te, “England aţang hian pawisa eng zât nge ruh in tum?” tih te chu elsên takin an zâwt a.

Reporter pakhat pheih chuan, “Isua kha la dam ta sela, *suit* man tam tak a ha ang em?” a tih khum a, *reporter* dang leh chuan, “Isua kha lawng ropui takah a chuang ang em?” a ti leh a. Chutah, Billy-a thianpa, Grady-a chu a nuh a za ta deuh va, “Sabengtung, Atlantic Tuifinriat dai kai theih in hmuh theih phawt chuan, a leh pekah chuan chutah ngei chuan Billy-a hi a chuang tawh dâwn nia,” tiin a chhâng ve a ni.

Crusade a neih zawh hnuah erawh chuan lawm a hlawh hle. Archbishop of Canterbury, a tîra ngaisâng vak lotu chuan nasa takin a fak a, “*Crusade* hlawhtlin chhan chu Billy Graham-a inngaihtlâwmna leh tih tak takna a ni,” a ti. Chu bakah British Council of Churches rin a hlawh hle bawk. Billy Graham-a anga rawngbâwlna hlawhtling kalpui tûr chuan inngaihtlâwm a va ngai tehrêng êm!

London *crusade* tâwp ni chuan a thusawi ngaithla tûrin mipui nuai khat vêl an inkhâwm a. Archbishop of Canterbury phei chuan, “Vânram kan thlen hma chuan hetiang hi kan hmuh leh pawh ka ring tawh lo,” a ti hial a ni. London-ah hian mi maktaduai hnih vêlin a thusawi an ngaithla a. Mi singli dâwn lai an inhlân bawk.

Winston Churchill-a nên an inkhâwm: England-a rawng a bawl ãum hian England Prime Minister, Winston Churchill-a nên inkawmna hun ãha tak an hmang thei a. Billy Graham-a *crusade*-ah chuan khaw vâwt hrehawm pawh pawisa lovin mipui tam tak an pung khâwm ãhin a. American Evangelist naupang tê, chuti tak maia mipui tam tak hîp khâwm thei chu Churchill-a pawhin hmuh a duh ve ta a ni.

May ni 24, 1954 khân a office-a Cabinet room-ah an inkhâwm a. Churchill-a chuan, “Khawvêl tân hian beisei tûr a la awm em?” tiin a zâwt phut mai a. Billy Graham-a chuan mak a ti deuh va. “Hitler-a chakna leh thiltihtheihna laka mipuite beiseina petu ber mai chu beidawna ruamah a tlu lût ta mai em ni?” tiin a ngaihtuah phah a. Billy Graham-a chuan a iptêa Thuthlung Thar chu a phawrh a, “Mister Prime Minister, he thu hian ka thinslung chu beiseina leh rinnain a chhûng khat a ni,” a ti a. “Pathian chuan mihringte hi Kristaah chuan min siam a, kan tân a thi a. Mi zawng zawng tih tûr chu – kraws chu vuana pianthar hi a ni. Hei hi khawvêl tâna beisei tûr awm

chu a ni!” tiin a chhâng a. Prime Minister-in minute nga chauh hun a pêk laiin minute 40 lai an inkâwm a ni.

Kum sawmruk chhông rawngbâwltu: Billy Graham-a hian amah ngeiin khawvêl ram leh hmun hrang hrang 185-ah mihring maktaduai 215 hnênah Pathian thu a sawi a. Maktaduai telin *radio*, *television*, *video film*, lehkhabu, chanchinbu leh *internet* hmangin a thusawi leh thuziak puan chhuah an lo hre bawk a ni.

Crusade pawh ÷um zali chuang an buatsaih a. Hetah hian mihring maktaduai thum leh nuai hnih zet kohna chhângin an inhlân a. ÷um khata *crusade* a hman rei berna chu kum 1957-a Madison Square Garden, New York City-ah a ni a, thla li chhông a aw h a ni. Tin, a *crusade*-a mipui pun khâwm tam berna hmun chu Yoido Plaza, Seoul, South Korea-ah, kum 1973 khân a ni a, mi nuai sawm chuang an pung khâwm a ni.

Kum 1996, April thla khân Billy Graham Evangelical Association chuan Billy Graham-a sermon zînga pakhat chu an puan chhâwntîr a. Hetah hian ram 160-ah ÷awng 48-in puan chhuah a ni a, mi tlûklehdingâwn hnih leh a chanve (2.5 *billion*) vêlin an ngaithlaa chhût a ni.

Billy Graham-a hian a rawngbâwl chhôngin ÷um hnih lai India a rawn tlawh a. January ni 17, 1956 khân a ÷hian pahnihte nêl Bombay (Mumbai) an rawn thleng a. Madras (Chennai), Delhi, Kottayam leh Palamcottah-ahte *crusade* hlawhtling tak an buatsaih a. Kum 1972 khan North East India Christian Council (NEICC) sâwmnain Nagaland khawpui Kohima-ah *crusade* ropui tak buatsaih a ni bawk a, mipuiin an hlut hle. Mizoram aṭang pawhin mi eng emaw zâtin an chhim ve a ni.

Ziaka rawngbâwlina: Billy Graham-a hian lehkhabu 34 a ziak a, chûngte chu a hun laia hralhtla ber ber a ni. A lehkhabu

ziah, *Peace with God* (Pathian nêna inremna) tih chu bu maktaduai hnih aia tam hralh a ni a, ÷awng hrang 38-in lehlin a ni. Amah ngeiin ama chanchin a ziahna, *‘Just as I am’* (Ka nih ang angin) tih chu a lehkhabu lâz zual pangate zînga pakhat a ni. Kum 1997 khân tihchhuah a ni a, July, 2007 khân tihchhuah nawn leh a ni.

Kum 2005 bâk chu *crusade* buatsaih chhunzawm tûrin a lo upa ve ta deuh va, kum 2005 hnuah lehkhabu chhah tak tak leh ÷ha tak tak paruk a ziaik zo va. A lehkhabu hnukung ber, *‘Billy Graham-a bung tâwpna ber (Last Chapter)’* an tih mai, kum 96 mi a nih tawh hnu, kum 2015-a an tihchhuah chu *‘Where I am: Heaven, Eternity and Our Life Beyond’* tih a ni.

Billy Graham-a hian thuhiril nân a hun tam zâwk a hmang chungin, lehkhabu ÷ha tak tak sawmthum chuang a ziaik bawk a. Hei hian Isua leh a Chanchin ÷ha puan darh nâna hun a hman zawhzia a tilang. Keini chu kohhran leh thil danga ÷hahnemngai taka kan inhman hian, kan hun âwl neihte hi lehkhabu ziah nâna hman chu sawi loh, a chhiar nân pawh kan hmang thei lo ÷hîn a, Billy Graham-a hi entawnin, lehkhabu ngainat leh chhiar kawngah ÷an i la thar ang u.

ṬHEN HNIHNA
BILLY GRAHAM-A NUNA THIL
CHHINCHHIAH TLÂKTE

College President naupang ber: Kum 1947-ah North Western School, Minneapolis-a thusawi tûra an sâwmnaah School President atâna an hual thu an *President* chuan a lo hrih a, Billy Graham-a chu a barakhaih hle mai. College President ni lai Dr. William Riley-a chu a thih tâk thut avângin Billy Graham-a chu *President* atân an ruat zui ta a ni. Ani pawhin rei lo te chhûng atân a nih ringin a pawm ve mai a. Hetih lai hian kum 28 emaw chauhvva upa a ni a, USA-a College President naupang ber a ni.

North Western School hi Bible College leh Liberal Arts College dang nêna inzawm a ni a. Seminary College chuan *administrative building* an lo sa zo hlim chiah a, sum an lo nei tawh meuh lo va. Billy Graham-a lahin thuhiril hna a thawh avângin a awmchilh thei si lo va, râl aţangin *President* hna a thawk ta a. Amaherawhchu, awmchilh thei lo mah se, *college* tâna sum peipun lam a bei thung a, sum tam tak a hai lût a, zirtirtute hlawh pawh an tihsân theih phah zâwk ta hial bawk. Kum 1952-ah chuan *President* hna hi a bânsan leh ta a ni.

Thlêmna laka invêna: Billy Graham-a leh a *team*-ten ‘Youth for Christ International’ hmanga eng emaw chen rawng an bâwl hnu chuan USA-ah leh Canada-ah pheih chuan an lâh hle tawh a. Rawngbâwltuten thlêmna chi hrang hrang an lo tawh ṭhîn angte chu tâwk ve thei dinhmunah an ding tih hriain, hêng laka invên dân tûr hi siam ngaiin an hria a.

Kum 1948-ah Billy Graham-a chuan a rawngbâwlpui hnai zual – George Beverly Shea-a, Grady Wilson-a leh Cliff Barrows-ate chu ko khâwmin, engtia invên tûr nge tih an ngaihtuah ho va. Rawngbâwltute tâna thang hlauhawm pathum – sum, mipat hmeichhiatna leh chapona laka invênna tûr hetiang hian an duang chhuak ta a ni.

(1) *Campaign*-a an kalnaah kohhran lian ðhenkhatte chuan thawhlâwm tam tak tak an lo hlan châng a tam mai. Hetah hi chuan thawhlâwm leh thilpêk rêng rêng chu anmahni sâwmtu tualchhông kohhran hotute kuta dah vek tûr a ni.

(2) A dawt leha chuan, mipat hmeichhiatna lama thlêmna an pumpelh theih nân an nupuite ni lo, hmeichhe dang rêng rêng chu a fâla awmpui loh tûr a ni. Miten an rinhlelh leh sawi kai thei awm chi rêng rêngah an fihlîm tûr a ni. Entîr nân, mahni chauhva motor-a chuanpui te, a fâla chaw eipui te, office-a a fâla inkawm te.

(3) A pathumnaah chuan, chapo a awl êm mai a; chuwângin, an *crusade/rally*-a lo kal zât leh inhlan thar zât sawi dâwnah uar lutuk a awl a. Hetah hi chuan police leh a huaihawttute emaw, *volunteer-te report* emaw hi innghah nâna hman tûr a ni. *Report* a tlêm deuh a nih pawhin pawm thlap tûr a ni.

(4) Evangelist ðhenkhatten hun kal tawhah tualchhông pastor-te sawisêl an châng a, hei hi tih ve hauh loh tûr a ni.

Hêng an thil rêlte hian an rawngbâwlnaah a vêng ðha hle a. Tûm khat chu kum 1983 khân Bill Clinton-a nupui, Hillary Clinton-i'n Billy Graham-a chu mi mal thilah hmuh a duh a, chaw eiah a sâwm a. Mahse, Billy Graham-a chuan restaurant pakhat, a laia mi dangten an hmuh theihna hmun chauhva ei a remti a ni.

Bible a pawm dân: Billy Graham-a chuan Bible hi Pathian thu a ni a, a chhûnga thute hi thu dik a ni a, rinna leh thiltih tehna dik lo thei lo a ni tih thurin hi nghet takin a pawm. A thusawinaah pawh ‘Bible-in a ti’ tih hi a leklam ber a ni.

Kum 1948–1949 laia ‘Youth for Christ’-a an rawngbâwl-pui, *Evangelist* Charles Templeton-a chuan Princeton Theological Seminary-a zir leh tûrin ‘Youth for Christ’ chu a bânsan a. Bible hriatna thûk tak neih tûlin a hria a, Billy Graham-a pawh kal ve zâwk tûrin a sâwm a.

Hêng hun lai hian Bible chungchâng sawi sawpna lam boruak chu Princeton Theological Seminary-ah chuan a lâh hle a. A tâwpah phei chuan Templeton-a chu *Orthodox Christian*-te pawm dân aţang chuan a pêng ta nghe nghe a. Billy Graham-a Bible pawm dân chu  ting tak, kum sawmnga kal taa mite ngaih dân mai maiah a puhsak a. Templeton-a hi Pathian awm ring lo (*atheist*) a ni zui ta nghe nghe.

Chutianga Bible chh ng thu rinhlelhna boruakin a tuam v l lai chuan Billy Graham-a pawh a inngaihtuah ve nasa  t n hle a. “Hei leh chen hruai thlengtu Bible chu a pawm z l d wn nge, a rawngb wlna chu a kalsan mai d wn?” tiin a inngaihtuah buai ve viau a ni.

Zan khat chu San Bernardino tl ngah thut wp siam t rin a kal ta a. A  ting thi a, a bula thing bulah a Bible chu keu sain a dah a, a  awngtai ta a, “Aw Pathian, he lehkhabuah hian thil tam tak ka hriat thiam loh a awm a, zawhna tam tak ka chh n theih loh leh thu inkalh hm l tak tak a awm bawk a. T nlai science lam n na hmeh rem harsate pawh a awm. Mi zawhna har tak tak pawh ka chh ng thiam lo. Ka Pa, he lehkhabu thute hi rinnain i thuah ka pawm thlap d wn a, i th wk khum a ni tih hi ka ring tlat d wn a ni,” a ti ta a.

A ṭawngṭai zo a han thawh chuan Pathian awmpuina nasa tak mai dawngin a inhria a, huaisennain a khat ni berin a inhria a, a rilrua inhniaalna chu a tâwp ta bawk a. Bible hi Pathian thu, Pathian thâwk khum tih chu nghet takin a thih thlengin a pawm ta a ni.

Amsterdam Conference: Billy Graham-a thiltih chhinchhiah lâk tak chu Amsterdam Conference a huaihawt kha a ni a. Kum 1983, 1986 leh 2000-ahte khân khawvêl huapin *evangelist*-te pualin Amsterdam Conference a buatsaih a. Hêng *conference*-ah hian ram hrang hrang 208 aṭanga *evangelist* 23,000 rual pung khâwmte chuan khawvêl pum puia Chanchin Ṭha a darh zau zêl dân tûr an zir ho a ni.

President-te pastor: Billy Graham-a rawngbâwl na hian a thleng zau khawp mai. Mi hnuaihnuung ber aṭanga mi ropui leh thiltithe i ber berte a thleng phâk a. White House-a a rawngbâwl-na pawh hian hriat a hlawh hle.

Billy Graham-a'n White House a tlawh hmasak ber chu July ni 14, 1950 kha a ni a. A ṭhiante pathum Grady Wilson-a, Cliff Barrows-a leh Jerry Beavan-aten an ṭawiawm a. President Harry S. Truman-a hnênah chuan Krista leh krawsa a thihna rin hi a mamawh ber a nih thu a hrih a. Billy Graham-a'n President dârah a kuah a, an vaiin an ṭawngṭai rual a ni.

USA President-te nêna inpawh takin White House-ah hun an hman ho ṭhîn a. Eisenhower-a aṭanga George W. Bush-a thlengin President sâwm leh pakhatte hnênah rawng a bâwl ṭhîn a. Hei vâng hian George W. Bush-a phei chuan 'America Pastor' tiin a koh phah hial a. Eisenhower-a khân, "American palai a neih ṭhat ber a ni," a ti bawk.

President-te hnêna rawng a bâwl ṭhin hian an thlarau lam nun mawlh ngai pawimawh tûrin a chah ṭhîn a. Anmahni duh

lotute pawh anmahni ãantu ãha berte ang thova hmangaih tûrin a chah ãhîn. “*Evangelist*-te chu party emaw, mi mal emaw ãan bîk neih a rem lo va. A laiah kan ding ang a, mi zawng zawng chu ding leh vei hrilh thei dinhmunah kan ãin a ngai a ni,” a ti ãhîn.

President-te hian an ring hle a. Nixon-a khân Israel sawrkâra *Ambassador* ni tûrin a sâwm a. A duh apiang pêk a tiam, *Cabinet Secretary* nihna thlengin. Lyndon Johnson-a nên phei chuan a President a chhûngin vawi sawmhni chuang White House-ah an inhmu a ni. President-ten chhiat an tawh pawhin vuitu atân an duh a, mi eng emaw zât a vui bawk. President lâk luhnaah hian ãum sâwm leh pakhat lai an sâwm tawh a, ãawngãaisaktuah a ãang ãhîn.

England lal chhûngkaw zîngah: London-a rawng an bâwl ãum khân lal chhûngkaw zîngah rawngbâwlna hun ãha tak mai a nei a. British lalnu, Queen Elizabeth leh lalnu nu, Princess Margaret te leh an rawngbâwltu mi za vêl hnênah lal chhûngkaw chapel, Royal Lodge, Windsor Castle-ah Pathian thu minute 25 chhûng a sawi a. Hetiang rênga America *Evangelist* zah leh chawimawi hi tu mah an la awm lo a ni.

Chawimawina a dawnte: Billy Graham-a hian America leh khawvêl huap pawhin chawimawina chi hrang tam tak a dawng a, sawi kim sên a ni lo. University tam takin *doctorate degree* an pe a. Gallup-in kum tin America rama an mi ngaihsân ber sâwm (*Ten most admired men*) an thlan chhuah ãhinah vawi 61 ngawt a lang a, a zawnin vawi 55 a lang hial a ni.

Kum 1983 khan America rama *civil* mite chawimawina dawn theih sâng ber, Presidential Medal of Freedom hlan a ni a. Kum 1996-ah US Congress-in *civil* mite a chawimawi theihna sâng ber, Congressional Gold Medal chu an nupain an

dawng a. Kum 2001-ah Honorary Knight Commander of the Order of the British Empire (KBE) chu Queen Elizabeth II-in a hlân bawk a ni.

Kum 1999 Gospel Music Association chuan Gospel Music Hall of Fame-ah Billy Graham-a hi an la lût a, *musician* ni lo zîngah chuan an lâk luh hmasak ber a ni. A rawngbâwlna hmunah zaia rawngbâwlna a dah lian a, zaithiam hrang hrangte tâna remchâng siamsaka chhertu a nih avângin hetiang chawimawina hi a dawng a ni.

A hun hnukung lam: Kum 1992 khan Billy Graham-a hian *hydrocephalus* (hai-draw-se-fa-las) natna a vei tih hmuhchhuah a ni a (He natna hi thluaka tuihnâng tlingin taksaa harsatna a thlen hi a ni). Heta ãang hian, a kum a lo upat ve zêl bâkah a natna avâng hian zawi zawiin a chak lo ve tial tial a.

Billy Graham Evangelistic Association chuan a hnukung ber atân June ni 24–26, 2005 khan Meadows Carona Park, New York-ah Billy Graham-a *crusade* a buatsaih a. He *crusade*-a tel tûr hian kohhran 12,000 an sâwm zîngah 1,424 an tel thei a. Billy Graham-a rawngbâwl chhûnga kohhran pâwl hrang tel tam ber ãum a ni. He crusade atân hian inhlân tharte lo dawngsawng tûrin *counsellor* sangruk zet ruat an ni. Mi sîngsarih zet ãhutna rem a ni a, ãawng hrang 13-in a ruala ãawng lettu ruat a ni a, chûng ãawng zîngah chuan Arabic te, Tamil leh Hungarian ãawngte pawh a tel. America pawisa, dollar maktaduai 6.8 lai sênsô tura ruahman a ni.

He *crusade*-ah hian a ãat lai zawng zawnga a thuchah ngaih pawimawh êm êm ãhin thovin tlâng a kâwm a, “Thuchah pakhat chiah ka nei a: He khawvêlah hian Isua Krista a lo kal a, krawsah a thi a, a tholeh a; ani chuan kan sualte sima amah ngei chu Lal leh Chhandamtua pawm tûrin min sâwm a.

Chutiang taka amah kan pan chuan kan sual zawng zawng chu ngaihdam a ni dâwn a ni,” tiin a sawi a ni.

Kum 95 a nih kum, kum 2013 khân a thusawi hnuhnung ber chu TV kaltlangin US leh Canada-ah tihchhuah a ni a. Hemi kum hian ‘*My Hope America*’ tih chu *video*-a en theih tûrin an tichhuak a. Hetah hian America-in thlarau lama harh tharna a mamawhzia a sawi a. American tam takin Pathian an hlat tâkzia a hmuh chuan a tilungngai hle a ni.

Address a sawn ta: Billy Graham-a chu a lo upain a lo chak lo ve tial tial a. A *crusade* hnuhnung ber, June 2005 hnu khân a châng châng chauhvin khawi khawiah emaw thu te la sawi ve bawk thîn mah se, hun puma rawngbâwlna chu a chawlhsan ta a. A hun tâwp lamah *cancer* leh *pneumonia*-in a tlâkbuak a. Chak loh lam a pan zêl a, kum 99 mi niin February ni 21, 2018 zîng dâr 8:00 khân an chênna in Montreat, North Carolina, USA aţangin lei arsi êng tak chuan danglam leh ngai tawh lohna tûr hmun, ropuina ramah chatuana châwl tûrin a *address* a sawn ta a ni.

Sûnna: Billy Graham-a thih thu hian khawvêl a dêng chhuak nghâl a. Mi ropui tak takin thlahna thu ropui tak tak an thawn chhuak a. US President châwl ta, Barack Obama chuan Billy Graham-a chu, “America mipuite tân kawng dik kawhmuhtu leh beiseina thar petu a ni,” a ti. President ni lai mêk, Donald Trump-a chuan, “Billy Graham-a ang hi tu mah an awm lo va, Krista tâna ambassador a ni. Kristiante tân châna nasa tak a ni. Mi bîk a ni e,” tiin a ui thu a sawi baw. Evangelist Jim Bakker-a phei chuan, “Isua hnuah thuhritu ropui ber a ni e,” tiin a sawi hial a ni.

Billy Graham-a ruang hi US Congress chuan America ramin a duhsak bîkte a sûnna hmun, US Capitol Rotunda-ah

ni hnih chhông sôn tûr leh mipui en theih tûrin a dah a. He hmunah hian America President hlui 11 leh sawrkâr mi pawimawh 19-te bâkah, civil mi pathum an chawimawi tawh a. Billy Graham-a hi civil mi an chawimawite zînga 4-na chiah a ni a, sakhaw hruaitu zîngah pheih chuan Rotunda-a zalh hmasak ber a ni.

Billy Graham vui a ni ta: March ni 2, 2018 khân Billy Graham-a ruang hi a chênna hmun Charlotte, North Carolina-ah vui liam a ni a. A vuinaah hian mi sâwm bîk sanghnih chuang an kal a. America President Donald Trump-a leh Vice President Mike Pence-a leh sawrkâr mi pawimawh tak takte, khawvêl ram hrang hrang sawmnga aţanga rawngbâwltu pawimawh rualte an pung khâwm a. A vuina programme-ah hian Billy Graham-a hla thlan sa paruk sak a ni a. A nupui thlân bul, ama library kawtah Billy Graham-a chu phûm a ni ta a ni.

Tlângkawmna: North Carolina khaw tê reuh tê aţanga bul ţanin, Chanchin Ṭha meichher êng tak khawvêl pum huapa chhîtu Billy Graham-a hi ran vulha ei zawng chhôngkua aţangin a lo sei lian a. Pathian kohna chhângin kum sawmruk chhông zet thahnemngai taka rawngbâwltu, Billy Graham-a ang hi khawvêlah hian an lo chhuak leh ang em tih hi ngaihtuah tham a ni.

Khawvêlah Pathian thu hriltu ropui tak tak an lo chhuak tawh ṭhîn a. Billy Graham-a anga mipuite hîp khâwm nasa hi mi dang tu mah an la awm lo va. *'Khawvêl Evangelist'* tia koh pawh a phu hle a ni. Hetiang tak maia Billy Graham-a ropuia a lanna chhan hi – Pathian chuan a Thlarau Thianghlimin a chhông khat a, chu Thlarau Thianghlim chuan Billy Graham-a hmangin Chanchin Ṭha hi a puang darh ta a ni. Pathian thiltihtheihna a lo lang a, chumi zârah chuan Billy Graham-a pawh ropuiin a lo lang ve ta a ni.

A dam lai khân a thih hnuah miten eng angin nge a chanchin sawi zui se a duh tih an zâwt a. Khawvêl mite sawi dân tûr ai maha a ngaih pawimawh a awm a; heti hian a chhâng: “Ka chungchâng thu a ðha zâwnge sawi tûra ka duh pakhat chauh a awm a, chu chu Isua Krista a ni. ‘Bâwih ðha leh rinawm, i tiðha e,’ min ti se ka duh a ni,” tiin. A duh ang ngeiin a Lalpa chuan, “Bâwih ðha leh rinawm i tiðha e, i Lalpa lâwmnaah lût rawh,” a lo tih ngei a rinawm.

Billy Graham-a chanchin chu kan lo zir zo ta a. Chanchin a ngah luat avângin sawi thiam a har a, sawi tûr bîk pawh hriat a har. A nun aţang hian kohhranhoten zir tûr tam tak kan nei. Chûng zîngah chuan hêngte hi chhinchhiah ta ila – Thil dang zawng zawng aia Pathian dah pawimawh mi a nihna te, thlarauva khat nih pawimawhzia te, a tih tak takna leh a inngaihtlâwmna te, ruih theih thil leh mipat hmeichhiatna laka a nun a vawn thianghlimna te, duhâmna laka a fihlîmna te, thuziaka a rawngbâwlina te hi a ni.

.....

Lehkhabu rāwnte

Adler, Bill. *Ask Billy Graham*, 2007.

Aikman, David. *Great Souls*. Lexington Books, 2003.

Aizawl Post. Dated 9.3.2018.

Burnham, George. *Billy Graham: A Mission Accomplished*.

Graham, Billy. *Peace with God*, 1984.

Graham, Billy. *The Journey*, 2006.

Graham, Billy. *The Reason for my Hope*, 2013.

Graham, Billy. *The Secret of Happiness*, 1985.

Graham, Billy. *Just as I am: The Autobiography of Billy Graham*. Billy Graham Evangelistic Association, 1997.

Liardon, Roberts. *God's General*, 2008.

Newslink. Dated 23.2.2018.

Vanglaini. Dated 23.3.2018.

Wellman, Sam. *Billy Graham The Great Evangelist*. Uhrichsville: Barbour & Company, Inc. OH. Reprinted, 2016.

Zalen. Dated 25.2.2018.

